

中華名勝古蹟目錄

第六編 甘肅

一 蘭州……………一一二

積書巖 臨川閣 望河樓 超然臺

二 鞏昌……………二一四

祁山 悠江 胡麻嶺 麴城 妙娥峪 雲下田

三 秦州……………四一六

麥積山 木皮嶺 畫卦臺 隗囂宮

四 階州……………六一八

仇池山 鹿玉山 裴公湖 陰平道 玉壘關 八景樓

五 平涼……………八一九

金佛峽 問道宮 避暑閣 會盟壇

六 固原……………九一一

掃竹嶺 馬鬃嶺 蕭關 瓦亭

七 慶陽……………一一一二

撫琴山 花坡 一川風月亭 不窟冢

八 涇州……………一二一五

隱形山 百泉 思潛亭 讀書臺

九 寧夏……………一五一七

賀蘭山 元昊宮 鐵柱泉 赤木口

十 西寧……………一七一八

雪山 西海 虎臺 樂都故城

十一 涼州……………一八一〇

第五山 蘇武山 魚池 劉林臺

十一 甘州……………一一〇—一一

祁連山 甘峻山 居延城 建康軍

十三 肅州……………一一—一一

崑崙山 嘉峪關 平川堡 遮虜障

十四 安西……………一一—一四

三危山 瓜州城 陽關 玉門關



中華名勝古蹟

第六編 甘肅

一 蘭州

蘭州古之西羌地也。其城瀕於黃河南岸。東控隴坻。南憑鳥鼠同穴。北負長城。黃河洮水合流。曲折灌溉其間。中有皋蘭山之秀麗。大小金溝之清澗。山川縱橫。地勢高敞。

積書巖

積書巖在河州西北。山甚靈秀。層巖峭舉。壁岸無階。中多石室。室中有積卷。爲世上所罕見。

臨川閣

臨川閣在皋蘭縣城內。閣前有通衢。背倚城垣。遠眺碧岫。近臨清流。爲一郡

登臨之勝。

望河樓

望河樓在皋蘭縣西北二里。黃河南岸上。明時洪武中建樓凡三楹。今改名爲觀瀾樓。

超然臺

超然臺在狄道州東一里。本名鳳臺。宋熙寧中。蔣之奇取蘇軾詩。超然臺上望超然之句。改名超然。明楊繼盛建書院講學於此。

一 鞏昌

鞏昌春秋時羗戎所居。秦屬隴西郡。漢爲天水郡。唐置渭州。宋置鞏州。元設鞏昌路。明改爲府。在蘭州府南。東扼隴坻。南憑岷峨。西接西傾。據渭水之源。跨洮河之曲。白龍江經其南。城瀕於渭源之東南岸。

祁山

祁山在西和縣北。蜀漢諸葛亮代魏圖隴。六出師於此。山上有堅城。曾以伏牛流馬運糧。儲於其中。

悠江

悠江在通渭縣北五十里。江面灣曲。形如半月。月夜臨之。水天一色。夏暑時。居民多至此納涼。

胡麻嶺

胡麻嶺在安定縣西。世傳漢張騫使西域。獲胡麻種以歸。至今其嶺上。尙有野胡麻。

麴城

麴城在岷州東南。蜀姜維倚麴山築二城。使牙門將苟安等守之。魏將郭淮謀禦之。

妙娥峪

妙娥峪在隴西縣東十里。相傳漢武帝西巡時。得一美女於峪中。因賜名爲妙娥焉。

雲下田

隴西縣有耕天村。其田之良者。曰雲下田。鮮于侁詩。行行未省見平川。雲下誰知別有田。山聚邑居能絕險。人愁粒食自耕天。

秦州

秦州古西戎地。秦之先非子封於此。在鞏昌府之東。城據渭水支流烏湖江上。右憑朱圉。左控隴坻。渭水挾隴水。秦川橫貫其間。西漢水導源於其南。是關隴巴蜀之咽喉也。

麥積山

麥積山在秦州東南。北跨清渭。南漸兩當。望之。團團如民間積麥之狀。其峭壁之間。鑄石成佛。萬龕千室。雖爲人力所築。世每疑其鬼功焉。隋文帝分葬

神尼舍利函於其下。有庾信銘記。刊於巖中。

木皮嶺

木皮嶺在徽縣西。相傳黃巢亂時。太守王鐸置關於此。以遮秦嶺。其地爲入隴險要處。杜甫詩。首路栗亭西。尙想鳳凰村。季冬携童稚。辛苦赴蜀門。南登木皮嶺。艱險不易論。汗流被我體。祈寒爲之暄。遠岫爭輔佐。千巖自崩奔。始知五嶽外。別有他山尊。仰干塞大明。俯入裂厚坤。再聞虎豹鬪。屢跼風水昏。高有廢閣道。摧折如短轆。下有冬青林。石上走長根。西崖特秀發。煥若靈芝繁。潤聚金碧氣。清無沙土痕。憶觀崑崙圖。目擊玄圃存。對此欲何適。默傷垂老魂。

畫卦臺

畫卦臺在秦州北。相傳伏羲氏曾畫八卦於此。至今臺前有一方石。每於雪後。猶見卦痕。

隗囂宮

隗囂宮在秦州麥積山之北。相傳舊有隗囂避暑處。杜甫詩。秦州城北寺。勝蹟隗囂宮。苔蘚山門古。丹青野殿空。月明垂葉露。雲逐度溪風。清渭無情極。愁時獨向東。

四 階州

階州戰國時爲白馬氐部。在鞏昌府之東南。州城濱於白龍江北岸。地勢多山。武都山最大。自西北亘於東南。中包仇池之險。羌水挾白水河斜貫其間。西漢水圍繞其東北。

仇池山

仇池山在成縣西北百里。絕壁峭拔。其高二十餘里。羊腸盤道三十六回。中有平田百頃。

鹿玉山

鹿玉山在成縣東。石壁聳峭。雲徑如線。山上有獅子洞。洞口飛泉。漱石如玉。名曰玉井。

裴公湖

裴公湖在成縣城內西南隅。唐刺史裴守真所開。中植荷菱。花柳夾岸。名其堤曰雲錦。

陰平道

陰平道卽今文縣。魏鍾會攻蜀。姜維請備陰平橋頭。後主因恃險不聽。遂爲鄧艾所襲。

玉壘關

玉壘關在文縣東。下有急流。迄疾如矢。澗壁峭峻。莫可攀援。昔鄧艾入蜀。曾置橋以渡。

八景樓

八景樓在成縣裴公湖側。取仇池山杜祠鳳凰臺醉仙巖仙人龕鹿玉山泥公山裴公湖八景以名。宋張舜民詩。八景更從何處覓。一湖惟有此樓高。

五 平涼

平涼在秦州之北。其城瀕於涇源之南岸。地跨隴山左右。北控六盤。南據汧山。中包崆峒。汧頭之秀峯。涇水導源於此。隴水貫其西部。水草豐美。宜牧宜耕。自古稱爲膏腴之區。

金佛峽

金佛峽在平涼縣西六十里。峽長二十里。峭壁層峙。不見天日。穴中有金佛三尊。故名。

問道宮

問道宮在平涼縣西二十里崆峒山上。相傳廣成子學道於山中。黃帝曾問道於廣成子云。

避暑閣

避暑閣在平涼縣城北柳湖畔。宋時蔡挺建。閣旁植柳數千株。綠陰成林。湖光可掬。

會盟壇

會盟壇在平涼西北五里。壇有二。一南向。一北向。唐貞元三年。渾瑊與吐蕃會盟於此。

六 固原

固原在平涼府之北。唐爲原州。宋置開遠堡。元設開成路。明初爲開城縣。後升爲固原州。南據六盤。東扼隴坻。以控蕭關。汧水隴水清水河。皆導源於此。是秦隴之戶鍵也。

掃竹嶺

掃竹嶺在固原州西北一百餘里。其山高峯陡峻。雲徑崎嶇。危橋深洞。過者

不敢逼視。

馬髦嶺

馬髦嶺在固原州西南四十里。宋元嘉五年。魏將奚斤伐夏。大敗夏師於馬髦嶺。卽此。

蕭關

蕭關在固原州東南。爲關中四關之一。自秦漢以來。爲華戎之大限。襟帶西涼。咽喉靈武。北面險阻之地也。明初徐達由靜寧隆德。至蕭關。遂取平涼。蓋用兵必爭之地也。

瓦亭

瓦亭在固原州南瓦亭山西麓。後漢建武八年。來歙襲得略陽城。隗囂使牛邯守瓦亭。自悉大衆攻略陽。晉大元十二年。符登次瓦亭。據胡空堡。與姚長相持於此。唐肅宗幸靈武。牧馬於瓦亭。宋吳玠與金兵戰於瓦亭。皆此。

七 慶陽

慶陽在固原州東。西扼蕭關。東控子午嶺。中央包一大高平原。環河挾柔遠。川南流爲馬連河。貫注其間。自此以北。地形漫衍。直抵沙漠。三陲固險。一面臨敵。爲西北防禦之要地。

撫琴山

撫琴山在正寧縣南。相傳唐明皇夢羣仙處。山畔有洞。風來發聲。幽揚有韻。如琴之音。

花坡

花坡在安化縣東十里。地多花草。林木奇秀。爲郡人遊覽之處。世傳昔不窟花園遺址。

一川風月亭

一川風月亭在寧州城內。宋時建。有花嶼、蘭臯、蓮池、柳港、諸勝。春夏之際。州

人多遊賞於亭中。

不窟冢

不窟冢在安化縣東三里。后稷子不窟葬此。碑文剝落。尙有片石。大書周祖不窟氏墓。

八 涇州

涇州在慶陽府之南。東西漢及魏晉均爲安定郡。北魏置涇州。右據蕭關之險。當隴山橫嶺絕續之交。涇水流域。宋與西夏相持。命重臣開府於此。

隱形山

隱形山在靈臺縣東北二里。山上蒼松古柏。連抱參天。峯巒深藏。不見其形。故以爲名。

百泉

百泉在涇州西三十五里。泉源溢竇而出者百數十道。四時不涸。亦名曰百

泉溝。

思潛亭

思潛亭在鎮原縣北潛夫山。相傳後漢王符隱居於此。有讀書臺遺址。金大定間。建亭其上。因符曾著潛夫論。故山名潛夫。亭名思潛。稍西有桃坡。種桃千樹。季春紅霞如錦。亭中有記。其略云。斯亭也。非但爲州閭壯觀。亦使一方之人。因其遊觀。得登斯亭。遙想君子之遺蹟。不忘其風化。云。王符字節信。少好學。有志操。與馬融、張衡、崔瑗相友善。時人專務游宦。而符獨耿介自守。隱居著書。以譏當時得失。不欲彰顯其名。故號之曰潛夫論。時名士皇甫規解官歸安定。雁門太守謁之。規不爲禮。王符在門。規倒屣迎之。時人語曰。徒見二千石。不如一縫掖。

讀書臺

讀書臺在靈臺縣東北五里臺山。山中多奇木異石。香草甘泉。晉皇甫謐讀

書處。謚字士安。年二十。不好學。遊蕩無度。或以爲癡。嘗得瓜果。輒進其叔母任氏。任氏每對之流涕。勸其勤學。謚乃感激。就鄉人席坦受書。勤力不息。家貧。躬自稼穡。帶經而農。遂博綜典籍。百家之言。沈靜寡言。有高尙之志。以著述爲務。自號元晏先生。或勸謚修名廣交。謚以爲非聖人孰能兼存出處。居田里之中。亦可以樂堯舜之道。何必崇接世利。事官執掌。然後爲名乎。作玄守論以答之。景元初。相國辟。皆不行。親友有勸令應命者。謚乃作釋勸論。以通志焉。武帝卽位。頻下詔敦逼不已。謚上疏謝之。自稱草莽臣。曰。臣以狂弊。迷於道趣。因疾抽困劣。救命呼籲。父兄見出。妻息長訣。仰迫天威。扶輿就道。所苦加焉。不任進路。委身待罪。伏枕歎息。臣聞上有明聖之主。下有輸實之臣。上有在寬之政。下有委情之人。惟陛下留情垂恕。更徵瓌俊。索隱於傳崖。訪釣於涓濱。無令泥滓。久濁清流。謚辭切言至。遂見聽許。自表就帝借書。帝送一車書與之。謚雖羸疾。而披閱不息。著論爲葬送之制。名曰篤終。其論曰。

夫人之所貪者生也。所惡者死也。雖貪不得越期。雖惡不可逃遁。形神不隔。天地之性也。尸與土并。反眞之理也。今生不能保七尺軀。死何故隔一棺之土。然則衣衾所以穢尸。棺槨所以隔眞。故桓司馬石槨。不如速朽。季孫瓊。璠比之暴骸。文公厚葬。春秋以爲華元不臣。楊王孫親土。溪書以爲賢於秦始皇。如令魄必有知。則人鬼異制。黃泉之親。死多於生。必將備其器物。用待亡者。令苦以存。况終非卽靈之意也。如其無知。則空奪生用。損之無益。而啟奸心。是招露形之禍。增亡者之毒也。夫葬者藏也。藏也者。欲人之不得見也。而大爲棺槨。備贈存物。無異埋金路隅。而書表於上也。雖甚愚之人。必將笑之。夫古不崇墓。智也。今之封樹。愚也。若不從此。是戮尸地下。死而重傷。魂而有知。則冤悲沒世。長爲恨鬼。王孫之子。可以爲誠。死誓難違。幸無改焉。謚終隱而不仕。晉魏之間。一人而已。

九 寧夏

寧夏在蘭州東北。春秋時羌戎地。秦漢曰朔方。西夏赫連勃勃建都於此。號中興府。唐曰夏州。宋曰興州。元設寧夏路。明初改爲府。西倚賀蘭山。東帶黃河。地勢險固。爲西北諸府之最。

賀蘭山

賀蘭山在寧朔縣西北。盤踞數州。山中有青林白樹。望之如駿馬。夏人呼駿爲賀蘭。故名。

元吳宮

元吳宮在寧朔縣西北。賀蘭山東。趙元昊所建。其殿宇已圯頽無遺。惟宮牆魏然尙存。

鐵柱泉

鐵柱泉在靈州花馬城西南六十里。明嘉靖間。以寇入。必飲馬於此。遂築石堡以守之。

赤木口

赤木口在寧朔縣西南。山徑五十餘處。其口可容千馬。明嘉靖中。巡撫楊守禮築關於此。

十 西寧

西寧爲古西羌之地。謂之湟中。漢末置西平郡。晉末鮮卑種人禿髮烏孤據之。稱西平王。是爲南涼。北魏及唐爲鄯州。尋沒於吐蕃。宋徽宗崇寧三年。收復。改爲西寧州。明改爲衛。清升爲府。在蘭州府之西。據積石山脈。北負雪山。黃河橫貫其間。大通河、西寧河、平行其北。洮河導源其南。

雪山

雪山有二。一在大通縣北十五里。一在西寧縣南一百里。二山皆高入雲霄。四時積雪。

西海

西海在西寧縣西。俗呼爲青海。漢平帝元始中。王莽諷卑永羌獻地。置西海郡於此。

虎臺

虎臺在西寧縣西五里。臺有九層。有石級可以上升。高九丈八尺。相傳禿髮儁所築。

樂都故城

樂都故城在碾伯縣境。晉安帝隆安三年。南涼禿髮烏孤徙治於此。號爲樂都城。

十一 涼州

涼州城周十一里。樓櫓如畫。在蘭州之北。東北二面控帶長城。西南阻雪山之脈。中有達斗拔谷山。天梯山。土田饒沃。宜牧宜耕。民物殷繁。隴右河西諸府無出其右者。

第五山

第五山在武威縣南。一名天梯山。巖泉清幽。茂林修竹。懸崖有石室。昔爲隱士所居。

蘇武山

蘇武山在鎮番縣東南。山上舊有蘇武廟。俗傳蘇武使匈奴時。曾牧羝於此。蘇武字子卿。天漢初。以郎中將使匈奴。被留不得歸。武乃嚙雪餐氈。仗節牧羝。堅苦自持。不爲少屈。居十九年。得還。拜典屬國。宣帝立。賜爵關內侯。圖形麒麟閣。子通國。爲胡婦所生。漢以金帛贖之。歸。拜爲郎。

魚池

魚池在武威縣東北一里。周圍一百步。池旁花柳繁茂。樹木叢密。爲邑人公餘遊憩處。

劉林臺

劉林臺在武威縣西北。漢竇融所築。舊名竇融臺。明洪武初。劉林爲涼州衛百戶時。也先帖木兒叛。林與戰。沒於臺下。人重其忠。因易今名。

十一 甘州

甘州北負長城。南據祁連山脈。俯視青海。有紅水河合山丹水繞府城。西北流逕高臺廳出邊。爲額集納河。與肅州之白河合流。爲坤都倫河。瀦爲居延海。卽古之弱水云。

祁連山

祁連山在張掖縣西南。漢使驃騎將軍霍去病。將萬騎。奪焉支山。攻祁連山。匈奴旣失二山。乃歌曰。亡我祁連山。使我六畜不蕃息。失我焉支山。使我婦女無顏色。

甘峻山

甘峻山在張掖縣西北。一名紺峻山。山中產青鷂鷹。土人稱爲奇絕。常充貢。

獻之用。

居延城

居延城在張掖縣東北。漢霍去病、公孫敖出北地二千餘里。過居延。斬首虜三萬餘級。

建康軍

建康軍在張掖縣西南。祁連山北。唐證聖元年。王孝傑以甘肅二州相距迤遠。置軍。

十三 肅州

肅州在甘州府之西北。其地東帶弱水。北負大紅山。以臨沙漠。南阻祁連山脈。以界青海。西關嘉峪關。以通西域。俄羅斯商人嘗至此互市。有福祿水。金河。環州城。東北流爲白河。

崑崙山

崑崙山在肅州西南。其巔峻極。經夏積雪不消。西涼馬岌曾謂周穆王見王母於山中。乃立王母祠。

嘉峪關

嘉峪關在肅州西七十里。嘉峪山西麓。跨山澗之上。雄拔峭立。關外里許。卽沙漠地。

平川堡

平川堡在高臺縣東北四十里。東達甘州板橋堡。僅四十里。明初置堡。周三里有奇。

遮虜障

遮虜障在肅州北。故長城之側。卽漢李陵與單于大戰處。力竭矢盡。不得已降於匈奴。

十四

安西

安西在肅州西。古西戎地。漢爲敦煌郡。晉置晉昌郡。唐置瓜州。宋入西夏。元初復之。清初置安西鎮。乾隆二十五年升爲州。地勢錯入新疆青海間。據南山之麓。包有沙磧。東扼嘉峪。西接流沙。

三危山

三危山在敦煌縣南三十里。山廣圓百里。上有三峯。故曰三危。舜竄三苗於三危。卽此。

瓜州城

瓜州城在敦煌縣古瓜州地。舊傳其地生美瓜。故名。城爲後魏所築。其石址至今尙存。

陽關

陽關在敦煌縣西南。王維詩。勸君更盡一杯酒。西出陽關無故人。送別曲有陽關三疊。

玉門關

玉門關在玉門縣西北。後漢班超久羈西域。年老思故土。乃上疏曰。臣不敢望到酒泉郡。但願生入玉門關。



中華名勝古蹟終